



437
6024

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

deli
浙字02260122号 No.6230
得力集团有限公司



161789





七言律

過濟南

春花秋雨幾番遊

日未休車蓋今來大

老甘鉛遠去事堪

對明湖本是與高乘

雪樓膚寸遙瞻成五色不似何處是梁州

對明湖是日車蓋
有梁州者之至

過大名有懷

世故疎狂任此身不辭况奔走風塵我問白雲誰





七言律

過濟南

春花秋雨幾番遊
北渚南山日未休
車蓋今來人漸老
丹鉛遠去事堪羞
素懷澹對明湖水
逸興高乘白雪樓
膚寸遙瞻成五色
不知何處是梁州

劉詡庵曰車蓋句澹老之至

過大名有懷

廿載疎狂怪此身
不辭况瘁走風塵
歌聞白苧輕年



少笑擁紅爐失客貧五鹿詞場猶在眼三春花事已
傷神淒清茅店黃昏月門外姍姍認未真

田蒙齋先生曰
五六何等自然

家羽聖官陳橋迂道過訪

幾年浪跡各天涯此日他鄉卽是家舊事長言增感
慨晴窻細語靜喧譁歌殘洗翠青春任夢斷連床白
月斜別去雲山今萬里得逢驛使寄梅花

劉詡庵曰
晴窻句秀

過李崆峒先生墓

崆峒山下讀殘碑
北地風流宛在茲
世上何人能復古
先生有作漫談詩
能開風氣寧辭謗
善解麤豪自得師
惆悵列朝門戶在
九原相見欲何辭

丁澹汝曰詩人互相標誣歷代皆然其寔崆峒先生才分自不可掩得此足爲持平之論

白水村謁兗武廟

平生懷古意
偏親駐馬臨
風拜貴人地名貴人鄉
道左孤

墳存伯仲迴廊列
宿見君臣泉莊寺
破香烟斷白水

村寒樹色新
憑吊當年龍戰處
春陵千載尚精神

劉訥庵曰以荒涼處見憑吊之情

午日荆門道中示同行諸子

庸庸薄宦走天涯
佳節忻逢感物華
密樹蒼葱屯曉霧
遙峯爛熳起明霞
歌聲沸處山阿鳥
香氣飄來野岸花
料得同人詩思好
高吟莫復笑鳴蛙

田蒙齋先生曰五六晚唐妙境
劉訥庵曰飄來句非歷過不知

再疊前韻

羣峯奔送碧無涯
海上仙山望望華萬里壯遊開瘴
癘一時佳興滿烟霞
村姑擊鼓催栽稻
穉子憑車喚採花
坂折雖多還叱馭
公私早已辨池蛙

荊州道中次韻

黑沉列岫曉烟稠
山雨飛來氣逼秋
遠樹微茫浮白浪
高原曲折劃青疇
着鞭請事還驅馬
游办餘閑只解牛
文教于今通絕徼
春風無地不皇州

劉訥庵曰三四工緻極矣
又曰眼中心中都是不凡

杜子美先生墓

襄陽南望氣峻嶒千載詩人墓少陵萬卷破時神有
助一丘荒去鬼何憑文章紙上光還在忠愛胸中冷
未曾讀史空餘牛酒恨豐碑拂拭淚填膺

田蒙齋先生曰杜云下筆如有神又云詩成泣
鬼神不知嚼牛肉白酒而後招得吟魂更作何

語悠悠千載之下無限感慨
劉詡庵曰弔子美先生非此詩不可

丁潛汝曰全首可當列傳先生詩律
得力于老杜者深故氣格亦復相肖

過武陵日適劉思南訶厓來自淮陽

幾年索米飽京塵又向天涯共苦辛岐路溯洄偏有

夢異鄉邂逅不無神

詞庵云連日夢與予作話頃遂晤之

奇文檢得心

同賞市酒沽來意更親珍重前途須努力蠻荒豈火

滯詞臣

劉詡庵曰三四實紀偏能寫出

丁澹汝曰夢寐相逢處情何減敏惠

常德晤錢君鑒濤喜賦

三千客路悵平蕪邸舍逢君興不孤雨霽羣峯山骨

出風恬遠浦水容蘓文章自許稱名士意氣還憐是
丈夫此去填箎須好奏莫令白眼笑吹竽

田蒙齋先生曰三四妙甚唐人
惟白劉能之恬蘓二字更佳

桃源洞

仙源路迥絕風塵叠嶂層巒自結隣亂樹看時原少
路細流嚮處似通津黃頭乞米風仍古緇衲供茶意
亦真試問烟蓑驅犢者相逢或是洞中人

田蒙齋先生曰
結語更勝

華嚴洞

黔山處處嶺千盤古洞招尋暫解鞍不覺征衣塵欲
滌頓令過客體生寒心從變化呈諸象境本虛靈闢
大觀仙出尚傳龍作衛誰將秉燭覓金丹

劉詡庵曰黔中名洞不一而足安得如椽之筆一一寫之

丁澹汝曰五六從空處着想自足包羅萬象

鎮遠府水災

倒峽崩崖灑水渾千家僅有數椽存雲開萬壑還疑

響風定羣峯尚欲奔一夜酸心聞野哭四郊蒿目見
天昏征夫此日情徒切抗疏何人達

至尊

田蒙齋先生曰風
定一語驚人之句

劉詡庵曰日擊灘水情深鄭俠之圖
丁澹汝曰全體少陵

遊飛雲洞兼寄張蓮峯學使

自憐客路影琅璫到此塵心忽頓忘無數仙人雲外
落當年鬼母峽中藏天教絕塞開新眼地豁靈心破

大荒定有其人乘間氣搜奇莫漫陋炎方

丁澹汝曰五六創
闕語非同牙後

白水瀑布

耽奇學句亦求工到此翻令客思窮想像羞隨牙齒
後形容難入畫圖中行經累月千愁滿坐對移時萬
慮空可惜唐人多未見誰將短述破洪濛

安龍舖

層層嶺路苦躑躅冒雨尋來興未慵梯突懸崖愁倒

馬坡山蟠絕頂望安龍孤村隱見清溪動列岫空濛
素霧封天外勞人經此地却憐無定是雲蹤

丁澹汝曰三
四屬對天然

大關嶺

肩輿平壓嶺雲連呼吸如臨尺五天老樹幽盤黃檗
冷新花艷對紫薇然摩空舊亦聞慈竹封地今方信
啞泉是否將軍真姓字經過我欲辨訛傳

田蒙齋先生曰封地句冷絕
劉詡庵曰大關險仄却以關心妙手寫照

黔陽道中

經月黔陽嶺路行收來巖壑腹縱橫探奇載筆存蠻
俗懷古繙書辨地名鸚鵡粒香初得味鷓鴣天曉慣
聞聲休嗟薄宦來天末襍被翻令客有情

田蒙齋先生曰新
劉訥庵曰粒香對仗甚工尤

服翻書辨名亦吾輩之癖
丁澹汝曰是新作黔滇遊人景况

大鼎山海潮寺次壁韻

停車偶爾到高峯山色湖光入望濃倚竹敲詩如倚

馬扶童渡石當扶筇依微樓影全藏柳
澎溟濤聲半入松莫怪山僧深避客一鞭爭似晝鳴鐘

丁澹汝
曰森秀

許無功觀察麗矚樓次韻

爽薦秋風入座初疑從海外見奇書
乾坤自許人成癖丘壑原來地有餘
几篆香濃神轉澹庭花影密致
偏疎慚予亦可稱同調風雨誰憐不蔽廬

又

風清犴狴見皇初一枕高眠數卷書臥閣恍遊圖畫
裏揮毫羞拾齒牙餘來如宿約交情舊坐不移時世
味疎此夕欣逢黃叔度天涯是處卽吾廬

田蒙齋先生曰脫盡俗塵
丁澹汝日質直語却有淡味

華藏寺潑江福地也值

家大人生辰延僧祈祝因以覽勝

蕭蕭短鬢滯遐荒此日登臨意轉長萬里白雲連海
屋千山紅樹帶河陽金蓮山不老炎舍日玉笋山常

青節傲霜吐望燔香歌陟岵無疆多福仗空王

劉訥庵曰且思且祝情深萬里尤妙語語雙映
丁澹汝曰緣情鑄景全體工鍊

太和初度

連年初度多為客此口客中行路難疲馬嘶風遲日
上敝裘衝霧怯霜寒三千桃熟憐虛語十九峯高恣
飽看且與登樓同一醉何須海上大還丹

天生橋

關地何年搆此橋停車不用主人招路疑三島通來

往勢逼羣峯互動搖杖底煙霞堪獨寫胸中礪硯借
全澆仙踪已覺丹梯近便欲凌虛渡沈寥

丁澹汝曰
聲情雄邁

下關山行

揮鞭侵曉啓王程指顧還舒登眺情澗底濤飛喧鼓
吹巖頭雲走作逢迎驚風樹葉隨車舞傲雪山花夾
路明大塊文章收不盡願將此意問諸生

田蒙齋先生曰三四
心思刻入更說得出

劉訥庵曰自然閒雅
丁澹汝曰山行佳趣寫得極有聲光

漾澗早發

伏枕聽殘令署更輕裝小隊踏霜行風吹漾水濤如
吼日照蒼山雪倍明好景多從邊徼得抗懷每對異
鄉平休嗟萬里征塵遠飽貯奚囊快此生

劉訥庵曰溫
厚和平之遺

蘭津橋謁武侯祠

天威當日振南天廟貌於今尚凜然三顧難忘吹漢

燼一身不情，裹蠻烟，軍聲夜聽。蘭江急戰，壘晴看鷺。
嶺懸使客經過，餘悵望松陰，合沓艸芊眠。

劉訥庵曰：諸葛大名同，垂不朽。丁澹汝曰：宏音壯，節如聽南征。鏡吹。

願言

前驅西指，復東行。選勝探奇，入望盈不斷，雲容山宛。
轉時聞瀑響，水縱橫幽憐，谷暗通樵徑。靜喜林深絕。
鳥鳴到此，塵心銷欲盡。願言辟地學無生。

田蒙齋先生曰：三四從杜無邊落木，取其神骨。

劉訥庵曰容與大雅
丁澹汝曰好語紛披應是興來神到之作

地寶藏山

俗名孃孃山向山相傳諸葛至此迷
路聞犬聲得渡故云

叠嶂層崖鳥道穿六軍飛渡憶當年天威南播臣何

力王業西開佛有緣籟發晴空千樹雨炎搖碧漢萬

峯烟我來曳杖藤蘿外尺五翹瞻帝座懸

田蒙齋先生曰雅健

劉訥庵曰入韋孟集中不辨
丁澹汝曰嵩爽

借顧輝六錢鑿濤范伊璜登太保山絕頂

隨意看山無地主放懷吊古有良朋攜尊感慨情先
醉走馬麤豪興益增水面人家供指點山腰樓閣作
峻嶒天風遲我吹仙袂共坐柔茵待月升

劉詡庵日詩情綺纒
丁澹汝日老氣無敵

己巳元旦

干支此際已巡週華髮相隨亦滿頭萬里難將甘旨
奉一身敢爲稻梁謀破愁且進巵蕪酒介壽還思海
屋籌贏得他年歸去好辛盤綵袖侍林丘

范伊璜曰思親介壽萬里殷
懷正與少陵刻不忘君一意

再過蘭津橋偶然得句

斧劈何年藉巨靈奔濤怒對萬峯青曾來頓使詩魂
瘦再過能令酒力醒日映江津藍似靛風吹鐵索響
如鈴哀牢南望迷蒲塞松籟飛空且坐聽

劉訥庵曰怪來詩味清如水
丁澹汝曰五六句極琢鍊而不落纖趨

瀾滄江和韻

亂峯高插入雲霄
曲磴紆迴折磬腰
薄宦何堪來絕

徼病軀不分渡危橋驚心顧伴形盤躡躡足扶童影
動搖漫道漢臣勞闢地萬年設險衛中朝

慈雲庵

信宿停車經此地登樓俯看永昌城濃烟翠滴龍泉
寺細雨陰連諸葛營豈有文章傳我輩喜無物議到
諸生往來多少閒車馬心事誰堪對酒傾

劉訥庵曰細雨句想見行邁來靡矣
丁澹汝曰直是工部得意之作

偕范伊璜登鳳凰山玉皇閣

萬行山
傑閣平臨萬嶺低蒼茫一望遠烟迷不妨白首還乘
興况有同心可共攜避俗瞿曇客到親人孔雀隔
林啼此間幸有吾徒跡好借山川入品題

田蒙齋先生曰孔雀句用來最妙他人則不敢
劉訥庵曰心閑手敏

飛來寺

兩月垂幃眼倦開欣從道左一登臺風恬海水輕帆
立雪霽蒼峯積翠來僧出亂雲先汎掃客憐芳艸共
追陪臨行再拂殘碑記吊古遙深勝國哀

日良齋先生曰立字全篇生動
劉訥庵曰如讀許丁卯集

綠蘿泉賦贈高徵伯郡丞

知己欣逢萬里天相攜共醉綠蘿泉
文章意氣原無我花鳥春風亦有緣
翻怪燒檀清味減更因煮豆野
情牽臨行再訂名山約一杖穿雲叩雪禪

劉訥庵曰
漸近自然

楚雄署中送錢鑒濤返武陵

路入桃源喜遇君相憐意氣薄青雲
有時對局忘鄉

思每坐談詩到夜分正快千秋成把臂何堪萬里話
離羣臨岐預定他年約燕市樓頭酒共醺

劉訥庵曰鑒濤自是雅人坐談夜分樂甚
丁澹汝曰止如尋常說話而朴老自不可及

苔高雪君用前韻

薄宦風塵悵遠天遙憐佳興滿林泉猶龍霄際嗟難
御威鳳池邊喜作緣贈我白雲神欲往懷人秋水夢
相牽何時躡屐往廬頂飽食君家一味禪

劉訥庵曰清
屋為好之音

自鶴贈別張允懷明經

高才鬱鬱許誰儔
天際冥鴻未可求
仲蔚蓬蒿心自
遠茂先圖史興偏幽
庭栽玉樹舒青眼
藥煮丹砂笑
白頭一榻空懸畱
不住筆松花事待君收

允懷所居名筆松阿

劉詡庵曰明經幽情俱見

登楚雄真武樓賦得小麥青青句

小麥青青大麥黃
登樓一望野蒼蒼
西來峩嶽連城下
北泛龍川帶郭長
檻外晴雲低燕雀
陂前夕照散

牛羊同人遙指薇溪近策杖尋僧與愈狂

劉訥庵曰滄溟聲調
丁澹汝曰此作於七子中極似元美

李厚餘來守元江

三十年來老弟兄八千里外共王程
笑談面目還如舊晉接衣冠却不情
可怪分符稱五馬難忘博簊到三更
元江此去多形勝竚看蠻烟攬轡清

吊楊升菴

先生挂坐滿滇南精舍遺踪尚可探
花鳥閒情寧自

放君剝大義本無慙
刁環空使懷砧藁
劍佩終憐寄

石龕剩有河山勞
悵望一天皎月映
寒潭

劉詡庵曰字字精允如此等詩方可上吊升庵
又曰三四是升庵知己之言

又

批鱗痛哭竟投荒
四十餘年事渺茫
人訖千秋存混
豆天教萬里見
文章蒼華風雨
凌仙駭金碧樓
臺小玉堂開府
於今新廟貌不
須惆悵恁斜陽

劉詡庵曰黃鐘大
呂全無強弩之末

丁澹汝曰升庵先生高風亮節輝映滇南
制府大司馬范公鼎新祠宇以重儀型一時諸

君咸有題詠讀先生二詩意調聲情無一不臻
絕頂驪珠既探當令後來閣筆矣

臨安署中喜霞裳同年遠來

萬里驚聞到故人相看白髮各愴神明湖握手情如
昨建水連床意更親老去文章偏壯健狂來氣骨自
嶙峋祇憐四海能空眼依舊飄零是此身

又

秋風得意喜聯翩九十餘人最少年日月幾何成老

大須眉相對總堪憐
飛觴擁妓花間夢
解甲談兵醉後禪
自道山川經歷盡
問君何地不蠻烟

田蒙齋先生曰通唐
劉訥庵曰少年磊落猶在

宜良

沿溪楊柳綠依依
樹裏樓臺接翠微
市果嘗來憐味好
隴禾耘罷覺香肥
尋芳逐隊穿林去
挑菜呼僮緩轡歸
聞道桐崖曾假寓
鄒桐崖僑寓於此
徒教此日慕清輝
登澂江署樓有懷錢鑒濤

經旬梅雨怨滂沱欲賦登樓感慨多壁上題詩人宛
在山中僦屋事如何全荒粟里遲開徑半老梨園且
聽歌拂袖行當歸海畔陰晴總付醉顏酡

劉詡庵曰懷人多致情溢于辭
丁澹汝曰五六鍊句工切

江川道中

衝泥一逕遶湖行雲物初開到眼明車馬斷連山勢
轉旌旗隱見水痕清康郎出海飛殘雨少女吹花度
晚晴乘興還來高處望孤舟樹底淡烟生

丁管汝曰偶爾
與會皆成妙作

通海縣

背城一水對高峯
羅列羣山更幾重
聞道神仙依郭
住誰言洞府有雲封
乾坤過客人偏傲
詩酒他鄉興
未慵半榻清風隨
午夢好從海上覓奇踪

贈元江馬生

棲霞山上瘴如雲
旭日光華喜見君
濯濯春姿堪共
對盈盈秋水欲平分
摘花入夢傳真派
代艸登朝續

令聞珍重吾曹期許意驍驍五色本空羣

劉訥庵曰
位置儘高

黃臨安招登雲龍山寺

從來乘興愛登臨見說名山喜共尋
岸艸經秋開鳳尾崖松傍晚發龍吟
談兵感舊心猶壯把酒懷人意
自深一榻禪房舒遠眺遙峯疊疊翠烟沉

劉訥庵曰
旖旎多姿
丁澹汝曰
風骨秀整

過通海闕山人畱登秀山

秀山面目迥難尋
曲折隨人入茂林
黃鶴飛來三島近
紅雲擁出萬花深
老僧竹筵來何意
小子香臺立有心
杖底烟霞收欲盡
一聲清磬落遙岑

丁澹汝曰
紅雲句佳

又

歷盡西南見此山
仙人遲我許同攀
陰晴水色皆能好
去住嵐光總是閒
歌舞逢場供潦倒
指揮如意破癡頑
于今識得登臨趣
窗外繁枝痛欲刪

劉詡庵曰
聲色俱有

王勅軒新壘落成

甲第長安獨擅名此間小築致偏清
舊仍花竹裁新意近取亭臺見遠情
寮友閒過醇酎熟簿書靜對曉
窻明乍來恍入青城坐不覺神寒骨亦輕

劉詡庵曰披其
帷其人斯在

初秋夜集贈王楊二秀才

賁然佳客致踟躕良夜開樽破醉眠
花影低垂清帶

露月痕半吐澹含烟談經自古傳楊子作賦於今見
仲宣健羽秋風期漸近祖劉努力好爭先

丁澹汝
曰清潤

送李霞裳旋里

老友歡逢倍少年一聲驪唱各潸然花間對酒情先
醉壁上題詩句更妍東海田園牽旅夢西風道路觸
蠻烟知君不嘆征囊澁似我浮沉轉可憐

劉詡庵曰折柳
詩以真率爲佳

病中曹秀才同冰壑道南兩上人過話

攜琴正快友生來二遠俄聞破碧苔
墨榻鋪勻敲復斷林花掃罷落還開
嘲來七發偏忘病說到三倉別
有胎勝侶偶成天外聚頓教清賞淨氛埃

田蒙齋先生
日三四雅句

劉訥庵日閑適
丁澹汝日林花句佳

病居雜詠

秋來註籍不趨公高枕繩床閉闌東
偶到荷池思坐

月頻移盆桂喜當風兒頑強使償書債僕懶偏呼運
灌筒自笑塵心消未淨參苓那得奏奇功

田蒙齋先生
生日清新

又

老去童心未肯降。翻因戒酒夢吞江。魯魚檢錯闕蒼
正金石吟成戲擊撞。竹葉迎風驚赴水。蕉心捲雨怒
侵牕。靜中贏得清如許。笑指花陰看臥甍。

田蒙齋先生
日蕉心句佳

又

一臥清齋近淡旬茶鐺藥白日相親閉門敢道憂先
樂攝蔽纔知病是貧未免挪揄疑有鬼偶然摸索漫
稱神可憐瘦影郎當甚猶自依依念故人

又

鷄骨支離強自寬時時行藥繞花欄僧來對奕神偏
王客去繙書興未殘解道扶畱能避瘴知誰勾漏得
成丹隨時潦艸尋真樂一任吹幽逐早寒

丁澹汝曰禱詠諸作有解悟處有開適處其比
偶精工若有神會具此佳篇當自無煩七發

哭李厚餘

少日偕君氣並橫
老年萬里共遐征
祇憐毫髮分同異
詎意須臾別死生
怪道元江真有瘴
悲來昆海共吞聲
中秋明月無私照
直向天門叫未平

田蒙齋先生曰五六只如此
說便味深令人潛然

丁澹汝曰字
字俱含聲淚

又

避暑移居事有無揮鞭叱馭意偏麤
熱腸我自知君壯冷眼人多笑子愚
不信夢占能解棗可憐筭貯已
亡孟只今破廟孤竄泣漫說南州一束芻

劉訥庵曰不忍讀不忍不讀
予亦哭厚餘四首淚與墨咽

丁澹汝曰真
為厚餘知己

病中讀友人龍淙諸詠

清秋伏枕色淒涼習靜翻多意趣長
花向室中催夢起猿聞窗外嘯斜陽
靈泉煮茗餘泉味活火然芸帶

火香却怪名山虛勝約徒於紙上嘆汪洋

田蒙齋先生曰
一結未免有情

五華山鄧雪過話

半壁圖書滿院花誤傳作賦是當家引來白雪由三
楚望去青雲落五華句就憐君頻畫手詩成愧我每
聱牙從今共結廬山社取次新篇剪落霞

劉詡庵曰詩
僧對之韻絕

劉詡庵同年由思南惠詩刻並贈佳什卽韻奉

酬

可怪同來荒徼外不堪人更夜郎西山瞻白雪諸天
近水憶黃河萬嶺低譴重我難停月斧丹成君自有
仙梯且須共奏墳笮韻莫對寒螿泣露凄

劉訥庵曰和章如此自然想見墳笮之合
丁澹汝曰三四唐音

又

每從天際賦停雲忽見紅霞繞日曛風過疎林仙籟
至珠懸別院夜光分避鋒原自甘三舍樹幟真堪冠

一軍室遠能令心共對不須惆悵嘆離羣

劉劭庵曰清新俊逸兼參軍開府之長予何意拋磚得此

丁澹汝曰先生詩律已極工妙而傾倒劭庵如此想見元白氣味之合是作結體精嚴尤自應

呂鍾叶

送沈簡齋同年陞任永安

昔年曾賦武陵遊不淺交情湖水頭邂逅蠻荒同作
客蕭條宦跡共含愁青絲乍許翔千仞白首還憐刺
一州獨喜分符當盛世籌邊無事再登樓

遊龍淙

未到龍淙已有詩到來更足發幽思山川自許開靈
竅花鳥相隨見異姿一掬雲泉清可飽半肩烟雨冷
何辭悠然得意茅亭下野老繁言恐未知

田蒙齋先生曰予亦有和眉山公
絕句瞠乎後矣。又曰半肩句清

重陽有懷

滿城風雨近重陽牢落秋懷感異鄉老友可憐登鬼
錄新詩漫許繼仙郎頻來折簡難容懶厭說銜杯好

縱狂賴有消愁書幾卷偷閒坐對自焚香

三過溫泉

不厭頻來坐此泉
畱人恰喜雨連綿
搜完洞壑添詩思
滌盡風塵淨俗緣
照借當前清作鑑
春回徼外煖生烟
盱衡帝世逢今日
民物熙遊樂舜絃

過祿豐畱贈丁明府

萬山深抱此孤城
經歲重來感慨生
掃榻難忘遊子意
登樓坐見主人情
文章自古推吾鄙
縞紵于今結

素盟共指明年秋漸近鹿鳴聽罷聽嚶鳴

捨資寓中讀楊升菴垂柳篇

撼門大義一身輕萬里投荒志已成
自分垂竿同野老如何把筆憶春明
長亭折贈離人恨少婦凝妝故里情
微外蠻烟茅店裏誰堪灑酒問先生

田蒙齋先生
曰結有餘味

劉訥庵曰垂柳懷古雙關
丁澹汝曰俯仰情深

呂合和張允懷明經壁上句

客路重經駐此樓風塵况味淡無求霞明眼富巖前
樹雨足情閒沙際鷗幻去仙人三島遠春來逸老一
詩畱于今欣賞同追和便欲尋芳謝朓洲

沙橋道中

連朝苦雨客愁多霽色宜人意若何却喜雲光添點
綴翻因瀑響助吟哦禽聲力轉憐紅樹馬首頻回惜
翠螺爲問前村知不遠好沽野店醉婆娑

丁澹汝曰
聲光綿逸

高行步
春仲與高徵伯和丞訂水目之約冬日再過普
湖高君不至悵然賦此却寄

已許名山共唱酬
半年魂夢繞林丘
臨風我自占行
色閉閣人方作臥遊
閒對孤檠搔短鬢
懶看紅樹賦
深秋蒹葭采采知
何處欲借飛鴻到十洲

再過泰國寺

杖底烟霞眼底盡
雲中樓閣座中開
山憐過客去還
去鳥識故人來復來
隔歲蠻歌猶灑落
片時僧話共

徘徊磨崖便欲畱名字忽聽松濤萬壑哀

劉訥庵曰三四作態似許丁卯
丁澹汝曰老境三昧

趙州道中

征輶纔轉飛來寺客眼先懸十九峯
白吐雲光爭雪色碧搖海氣洗天容
蘓屠映日迎如近樓閣含烟望
幾重共說波羅名勝好心旌早已遠相從

田蒙齋先生日記佳
丁澹汝曰穩麗○劉訥庵曰傑起萬仞

山花蕊滇中最早春來萬山如火艷過寶珠但

不能移植園耳

艷比石榴別樣紅高低錯落萬山中
長弘音血凝春樹杜宇妻冤散曉風
甘向深林嗟露處恥隨別院話
雷同若教譜入丹青裏竊恐胭脂畫未工

丁澹汝曰
詠物佳手

宿漾灑

徹夜濤聲捲耳寒塵心如滌夢偏安
霜華荏苒留雙鬢隙影銷沉付爾
丸底事難辭衝瘴癘前旌且喜飽

峯巒呼僮秉燭尋餘紙枕上吟成星未殘

渡漾凜

拍岸濤聲橋已斷
翻因遲客片時閑
逍遙竹艇烟波裏
飄渺蓬壺人世間
柿喜黃來分綠樹
雲憐白出斷青山
隨時收拾林丘好
看取蕭蕭鬢上斑

劉詵庵曰琢句鏘然有聲
丁澹汝曰五六好句作

大覺寺放雪樓有小敘

正對蒼山雪影嶙峋可愛
獨怪眼前數

高行步
不仁障屢命，除若猶斬焉。感而書此以待。

同志者

白木高盤一寺孤，登樓遙望名。踟躕虛心竹，許栽千
箇礙眼松。須伐數株自有雲，炎供吐納莫教雪色悵。
模餽當前面目原非改，須使山靈見大巫。

劉訥庵曰：都是少陵詩走過來者。
丁澹汝曰：老杜興致。

板橋

水抱烟圍村半遮，依依楊柳受風斜。經年客識當時

路十月春畱野岸花夾道旌旗存氣象環山衿佩見
光華相期各奮秋風翼莫負辛勤使者車

田蒙齋先生曰三四筆底無塵
丁澹汝曰雅人深致

平坡舖

踏碎烟嵐渡遠峯喜從天外洗塵蹤松崖浪捲山同
嘯茅屋雲流水自春無數獼猴爭撼樹一羣鸚鵡亂
呼松若非絕徼身為客磅礴誰開萬古曾

田蒙齋先生曰筆勢有精神
丁澹汝曰野趣披應接無暇

劉...曰芝華...月從筆底出如...石獻狀萬
態我亦在画圖...矣又曰是柱...是許是劉

由永昌發大理非歸程也而歸程實於此

屈指一環猶兩載忻從此日返征軺遊蹤尚指龍泉

寺鄉夢先飛鐵索橋馬上看山情汗漫尊前別客意

蕭條獨餘滿篋烟霞色歸伴晴軒酒一瓢

劉詡庵曰對
仗精工之極

抵板橋偶得萬里歸程始此橋之句同人各賦

成章是日訪金鷄村湯泉

萬里歸程始此橋收來景物入風謠青山揖客羣如
黨紅樹畱人老尚嬌問水清分遊况薄分題忙借旅
愁消回頭諸葛營何在計日雲鄉路不遙

劉訥庵日猶
戀旗臺不置

大理至日

去年此日沙橋路此日蒼山淨倚欄雪滿龍潭天放
碧日浮雉堞樹流丹占雲喜動樓頭色吹律知同谷
底寒無那鄉心人萬一臨風幾度望長安

丁澹汝曰極似
杜巽中至日之作

賦得山意衝寒欲放梅

千林涼合氣陰森
春色偏宜嶺上尋
處士催妝情脉脉
仙郎索夢影沉沉
驚看傲骨凌霜態
喜動靈巖媚日心
世眼休嗟時太冷
暗香早已隱遙岑

劉詡庵曰三四
寫欲放二字工

長至後一日張允懷復至大理共賦得冬至陽

生春又來 得敘字

夢斷寒峯鴻鴈羣客來恰喜報占雲人從谷底心同
轉香入枝頭煖漸分酒洗肝腸還對雪詩裁錦繡好
添紋偶然拈得陽春句一曲高歌久屬君

再遊綠蘿泉

風塵客况太紛紛再借清泉洗世氛日影斜臨紅上
壁月痕半掛白叅雲坐來黯淡梅香遠望斷參差嶺
勢分迴憶春明成好會還疑花鳥醉如醺

田蒙齋先生
曰全篇安雅

己巳除夕

九隆此日遊山寺今日山城晝閉門幸有良朋吟白雪共傾濁酒伴黃昏
迎年客裏憑僮僕分歲燈前憶祖孫便欲擁衾成獨寐却教枕上到家園

劉訥庵曰僮僕句化唐語
丁滄汝曰與每逢佳節倍思親同一深摯

庚午元旦

班聯蹠濟望朝天萬里威儀共此年
燁州爆聲千戶曉輝煌燈影一堂懸
圍餐餽飽鄉風舊展拜氍毹客

禮全海上遙知雙介壽森森綵舞樂尊前

劉詞庵曰本分話不攙他語

開化庵

九盤山路少人家蘭若中分萬嶺斜芳艸門深僧入
定亂雲徑轉客呼茶斲竿作笕能通水截木添泥可
種花野趣婆婆娑情已淡無勞重與說三車

田蒙齋先生曰錢劉之間

劉詞庵曰荒寺呼景爾爾
丁澹汝曰深秀介劉文房

示四兒珂

一身奔走蠻烟裏萬慮縈洞念汝曹若恃聰明終拓
落莫忘教誨報劬勞春明淨几勤臨榻夜雨寒窻好
繼膏大父春秋今老矣也須代我慰蓬蒿

劉訥庵曰此等詩從心肺出

遣病

老年多病雖常事病至經旬却不宜幾欲長齋頻中
酒每思穩睡苦吟詩情牽客路烟霞癖眼醉春光桃

李枝饒有心醫堪自藥從今兩豎請長辭

丁澹汝曰除却詩酒更將何物遣病彼
恐斷杯中物怕犯綺語戒者真癡兒耳

劉訥庵曰衝口
伶牙蒙叟再作

由碧雞關捨陸登舟

暫解征鞍作勝遊碧嶢佳氣繞林丘
桃花亂雨沾飛蓋楊柳輕風送小舟
春水斜侵白艸下村烟遠上翠螺
浮西來累月塵襟滿好借湖山破客愁

田蒙齋先生曰三四標致
劉訥庵曰嫣然翠滴

襍詠

六詔提封控百蠻山川次第入征鞍石屏烟繞晴飛
雨玉案風高暑帶寒畫斧可憐成棄土鑿池空自在
長安何如盛世通聲教萬里車書抵掌看

劉詡庵曰高聲壯采上徹雲霄
丁澹汝曰高邁如老杜秋興

又

真從天外豁雙眸虛說乘槎泛斗牛花鳥自能消瘴
癘風塵原不碍林丘山稱名勝頻思訪寺總荒殘亦

好遊曼倩金門藏大隱五湖何必憶歸舟

劉詡庵曰放翁詩無僧小寺亦閒遊五六同一意典

又

漫譏頭腦太多烘玉潤珠輝氣不同相馬神超形體外提衡法在準繩中蘋蘩既許羞宗廟溲渤何妨貯藥籠金碧尅華難自掩可知入彀盡英雄

劉詡庵曰孫陽自負

又

八千里外此為官。垂老方知行路難。自許珊瑚能結網。人言瓦礫不成丹。賞春花事驚飛電。入世名心笑轉丸。可怪熱腸終未冷。夢覺時復到長安。

劉詡庵曰：喉中較人有力。丁澹汝曰：對法生動如轉丸。長坂一往奔詣。

又

驚心瘴雨蠻烟裏。得意層巖曲澗中。却喜壯遊收史料。不因窘步嘆途窮。四明便欲追狂客。萬首何須必放翁。且許當前尋樂事。朝朝曉起看花紅。

劉詡庵曰沉雄頓挫兼有之

又

藥能治病不治愁
歲序驚心逝水流
反覆人情沙射影
蕭條館舍柳經秋
小奚彈雀渾無賴
老友抄詩解自謀
惆悵庭階芳艸綠
隨風一併入心頭

劉詡庵曰是從第一句一氣吹到末句非逐句做者

又

僻性生憐愛
蠹魚難因客
勸廢觀書一簾却
掃晨興

後三沸烹茶午睡餘栽菊初分籬作護耘蓮未透艸
先除休嗟病裏無佳况自笑塵勞迥不如

田蒙齋先生曰三四予欲取為齋聯
劉訥庵曰跌宕自喜

又

閱盡東西兩迤山春風秋雨入衰顏年來未解清為
傲老去方知好是閒家在白雲勞眺望夢隨明月度
間關詩僧頻許相酬和賴爾消愁補大還

田蒙齋先生曰八首俱清健有神氣
丁澹汝曰三四好語名通

病中偕友人上限字下限韻

嘉樹婆娑弄曉春
客來散步共良晨
譚飛玉屑驚紅雨
詩釣金鰲破綠蘋
賢聖味濃成勁敵
主賓情洽起柔茵
病魔總使驕人甚
起看庭前色色新

病起出試迤東

九十春炎病裏殘
出門依舊飽峯巒
巒巒黃纒麥浪隨風湧
綠洗苔衣帶雨寒
車蓋威儀仍爛熳
師儒氣象未闌珊
濡毫還作凌雲想
天外晴霞一路看

田蒙齋先生曰潔淨

曲靖署樓閣眺

槐序風輕客病蘇
曉窗青眼望青蕪
城邊獨鳥翻高下
樹裏行人度有無
雲破日流紅不定
江平烟起碧如鋪
庭前更見雙龍舞
笑染新詩代畫圖

田蒙齋先生曰雲破句豈野狐精耶

丁澹汝曰頸額二聯寫盡登眺之景明眼匠心恰與神會

寶樹樓榜成郎事

良夜風清客興狂樓題新榜倍輝煌月來樹裏琉璃
碎酒泛燈前琥珀光漫動鄉思歸渤海且畱姓字記
瀟湘小奚黠慧知人意筆硯先移棗几旁

陸涼道上石筍錯落土人呼爲李樹林過而樂

之

三年夢遶桃花嶺萬里情移李樹林歷亂瓊姿香不
遠嶙峋石骨翠堪尋眼光逐雨開幽抱詩興隨車入
苔吟自笑門墻栽漸滿可能蹊下共成陰

舊行此
借薄六伊璜重遊華藏寺讀錦雞巖壁上詩卽
韻時同激郡諸僚屬共爲泉亭之飲

使車三過鳳皇城此日登臨眼倍明萬疊青山新雨
後一湖碧水淡烟生溯風饒有懷人意捫壁還深吊
古情知己開尊成共醉石泉磅礴勝班荆

田蒙齋先生
曰三四清新

激江署樓

晨昏不厭倚闌干更喜湖山雨後看竹裏微茫搖匹

練城頭浮動落飛湍
晴鳩領首迎新日
饑鳥梳翎送曉寒
優渥還欣農事好
遙瞻荷笠過牛欄

李厚餘靈輻歸里時以出試激江未獲道左一

奠

古廟棲魂數月餘
相依不覺是幽居
今歸萬里真成夢
漫說三生再識予
痛挹龍孫乾盡泪
妻生犬子寄來書
自憐白首稱知己
愧殺當年駕素車

又

來時野古遍題詩野店覓歸祇自疑半老如君容慘
淡服勤小力影迷離車盤高嶺險還險友哭半途知
未知惟有昆池明月色照人不斷是相思

丁澹汝曰先生於厚餘處誼不啻范
張故情詞不假雕飾而真摯若此

小孫素不解音韻忽以詩質范伊璜戲爲長言

老夫老矣愧稱詩爾輩胡顏敢措辭蚬殼蠅聲剛髻
髻車前馬糞恰參差傷心請柳言其子瞪目登床視
此兒文選熟精非浪語前賢遺訓是良師

江川苦雨後車至夜深始來

雨色空濛淒復清黃泥坂折斷人行盤餐古廟遲留
意燈火孤村眺望情不分泠泠傳柝韻可憐閣閣開
蛙聲壯懷閱歷紛無盡此夕閒愁却倍生

至曲江楊建水公綬折簡迂諸境上

駐馬荒城憶故人開械氣誼宛相親前驅簫鼓還依
舊左道旌旗已變新敢說當年聯綰帶歡言此日少
風塵因是回首澂江道白水盟心總未真

素不喜鴈字詩亦不能作鴈字詩范伊璜舊有
七言三十律今又作五言律數首顧輝六從
而和之予亦勉爲此首聊以解嘲

西抹東塗批大渾神龍掉尾入天門深閨寫罷人無
語絕塞書傳客斷魂自許文芒連斗極誰排筆陣破
霜痕願言比翼凌霄漢春雨秋風共討論

丁澹汝曰纖題
入老手自別

題小像時在臨安署中六月十日也

六十年來牛馬風蕭蕭須鬢已成翁骨因骯髒偏如
傲顏帶愁癡却似童正好斑衣歸海上謾誇使節駐
滇中今朝與爾商量定莫負桃花二月紅

丁澹汝曰靈臺
一點丹青難狀

永昌懷古

隆城雉堞倚雲開闢地會經漢使來三齒烟霞隨劍
佩五城風雨入樓臺翻書尚見功曹檄謫戍誰憐太
史才祇覺頻年兵火後凋殘滿目動人哀

劉胡庵曰寫
得古詔崢嶸

丁澹汝曰懷古之篇近時作者多學許惲劉滄
一孤讀此氣格高凝直逼開元而上始知劉許
未足
多也

大理懷古

西南奇勝滿梁州滄洱雄封控上遊張盛傳經開禮
樂段蒙闢地自春秋獻花逸事高三塔寫韻才名歷
十樓祇有窮兵天寶恨萬人塚畔艸含愁

田蒙齋先生曰大致是中唐
劉訥庵曰吊古戰傷文

楚雄懷古

鬃濮封疆入百盤
低回往事足悲酸
臥龍岡迥烟霞老
鳴鳳山荒風雨寒
地沒虔陀羞大吏
史遺文彥憾微官
祇今響水關前望
惟許青瑤紀采蘭

曲靖懷古

經年底事已蹉跎
使節重來感慨多
郡史書成新歲月
夔人盟會舊山河
浪聞檢校城何在
虛說亭侯業不磨
獨有龍門碑髣髴
臨風憑吊一摩挲

高行山
澂江懷古

鳳儀山麓峙孤城入望仙湖照眼明
澂玉艸迷承相墓雲龍烟閉武鄉營
菜花曾許遊人醉華藏還憐浦水清
憑吊無從探往牒細將遺事問諸生

丁澂汝曰
俯仰蒼涼

臨安懷古

煥文積翠傍樓開依檻能令客思哀
衰艸離離旌義塚寒烟漠漠讀書臺
烏麼地自元和闢建水名從惠

厚矣誰作當年三洞記臨風飛越幾徘徊

丁澹汝曰
五六古雅

昆明懷古

畧地曾聞楚將旌
荳蘭遺跡艸湖東
五華禾黍寒烟裏
雙塔樓臺暮靄中
塋祀虛傳神可致
疏流實見利無窮
只今高眺螺峯上
惟許長歌醉碧筒

奉和李漁村闌中夜雨之作

高名久矣振槐廳
萬里攜來藜杖青
奎壁秋深開氣

象鬼神夜集破昏冥免教荆璞庭前泣能使天香徼
外零寶日光華經目覩公自言入滇途次會見口精南中應現伍
喬星

奉和李漁村閣中中秋之作

共仰晴暉分外明虛堂感慨發心聲風標玉案千尋
立露濯金莖萬象清沆瀣他年聯滿座光華此夕照
盈城因君却憶長安飲白首天涯興倍生

九日登螺峯兼憶李漁村龍淙之遊

誰云域外陟崔嵬咫尺招提興亦開
艸海烟光生睥睨華山雨氣滿樓臺
情隨野鳥飛還下目斷閒雲去
復來遙憶龍淙成勝會題詩共許有仙才

五華山和李漁村韻

空濛雨氣灑霏微磅礴秋思繞坐飛
旣許高臺能放眼何妨冷霧欲侵衣
青林窺竦檻白湧昆濤迭夕暉
好待名區遊屐遍續成史料捲囊歸

九日龍洞和李漁村韻

萬行州
短鬢蕭蕭已帶霜遠從天外賦重陽攜來仙籟生雲
洞收得龍書照屋梁浩蕩乾坤隨去住畱連詩酒寄
行藏誰憐潦倒三年客可處登臨共異鄉

武圍事竣感賦

車馬勞勞暗自傷此番方喜是收場未知橄欖能回
味祗見芙蓉好製裳白髮庭闈懷萬里青雲筆扎愧

三長

時有纂脩
滇志之役

呼僮絮語商歸計隔歲田園恐盡荒

妙高寺

積少詩債未曾酬
又向名山作此遊
曲逕斜盤千嶺
轉寒林深注一龕幽
花明院寂香分酒
木脫窻虛海
入樓老衲開枰偏
解事愈教客興重
遲留

高
行
州



三

七言絕

吳自肅

過南陽望諸葛艸廬

當日茅廬尚有無行人遙指一村孤雖然隻手扶炎

漢別恨南陽失鳳雛

田蒙齋先生曰來意味自別
劉詡庵曰從問答寫出酸心處

過荊州

王佐奇才羨孔明當年休訝事無成荊州自是劉家
土借住何能免不爭

山行口號

王程迢迢敢辭勞一任山花笑二毛容况蕭條無箇
事閒吟短句自稱豪

又

自古人稱蜀道難黔陽坡嶺胆猶寒到來長憶蒙莊
語平險何妨一樣看

又

重山疊疊少長林造物當年亦有心恐失山前真面

目故畱本色待人尋

田蒙齋先生曰此
首已詰七絕佳處

又

削出芙蓉霄漢間
舉頭咫尺近天顏
漸登絕頂開雙
眼無數高峯只等閒

劉訥庵曰
四絕豪舉

太和初度卽韻戲荅顧錢范三君子

攜手滇黔路幾千
偶逢初度敞村筵
相期共得錢彭

壽合筭遠成八百年

依韻荅范伊璜

蒼峯雪映玉峯寒
日色遙臨萬壑丹
珍重名花持贈
意無邊
春色共人看

渡瀾滄江

蘭津江水迥無涯
萬里雲橫不見家
病裏偶然舒倦
眼滿山開遍野桃花

田蒙齋先生曰好好好似香山
劉訥庵曰言外多少烟雲

天生橋

天生橋畔削芙蓉
下瞰江流跳玉龍
到此停車非好事
欲從天末問奇踪

田蒙齋先生
生日豪放

又

峭壁居然大斧斲
天開圖畫影嶙峋
漫從尺幅尋山水
原來自真

劉訥庵曰
平淡便妙

陸涼寺亦名大覺

冒雨衝風入陸涼客懷寥落對僧房更憐大覺同名

字疑是齊封海上鄉

田蒙齋先生曰首句之妙非淺學所能解
劉詡隱曰高調絕倫

龍淙石屋

和 范大司馬八詠原韻

靈區無處不棲真何必桃源好問津勝地于今開府

關青山猶識再來人

聽瀑樓

何處奔雷帶雨寒
尋來步履共珊珊
分明吐納虛靈
意漫道人人盡可瞞

墨雨庵

虛龕閒閒久無經
誰闡西來大衆聽
壁上猶存殘墨
濛乘風時欲弄精靈

一艸亭

休嫌小構是茅茨
天際憑他一臂支
宇宙何人稱大
厦雕楹碧瓦總堪疑

宛溥溪

神龍首尾杳難尋一杖追隨萬壑深
既許涵空觀物態還從曲折見文心

石香橋

花枝掩映水雲光衣履紛披帶艸香
頑石休云無厚幸偏于此處架成梁

癡丈

不共羣峯共起眠側身天地樂長年
初中自愛頻呼

丈對此知誰更是顛

臥石

臥遊山水不傷廉却喜塵氛了未沾想像胸中多坦

白一輪明月對青尖

劉詠
詠清濯玉壺
庵曰八

自悔

偶因用字頻繙本常覺胸中半是疑屈指行年過甲

子老來自悔讀書遲

劉訥庵曰是恁樣胸中放翁詩也知賦
得寒儒分五十燈前見細書還是自騎

忽見

一鞭濃露淡煙中忽見熹微半嶺紅却笑扃門稱作
者說來語意恐朦朧

田蒙齋先生曰悟到之言
劉訥庵曰那有不見到說出者

花橋

客程我愛花橋好三過橋頭不見花淡淡炊烟深樹
裏淙淙流水幾灣斜

劉詡庵曰意味不盡
丁澹汝曰一氣旋折清景如畫

板橋

板橋曉起片時閒
笑寫新詩共解顏
回首偶然門外望
青山堆裏出紅山

田蒙齋先生曰放翁集中亦少此

再過聚星亭

會憶三春駐節時
偶然乘興漫題詩
再來不見紗籠壁
冷淡芙蓉紅一枝

劉劭庵曰都
於紀處見妍

偕范伊璜圍碁賭詩

不降城下賭楸枰
敵道終成宰相名
錯看偶然因子
落吟哦枕上到深更

劉劭庵曰妙題妙詩放翁詩草窻畱客筭
殘碁又曰細改新詩須枕上此兼而有之

枕上偶成

友朋山水皆真樂
花竹禽魚總好辭
檢點年來閒筆
墨浪言不是應酬詩

劉訥庵曰到應酬無詩
丁澹汝曰不作應酬便是性情語

捨資驛

數椽茅店野人家
亭午閑閑駐使車
幾欲尋芳無是

處空庭靜對木香花

田蒙齋先生曰悠然無盡
劉訥庵曰與芙蓉句同冷雋

病中聞道南上人
病却問

自憐入世常多病
出世如君病若何
每欲從君逝世
法將無世外累還多

題畫

峭壁藤蘿百丈懸
霜禽羣噪小春天
上林莫漫誇高樹
爭似幽棲樂自然

思家

不因多病始思家
病裏偏教感物華
海上未舒楊柳葉
此間已放蜀葵花

丁澹汝曰可補
南中艸木狀

病中借書

一疾呻吟近月餘偷閒猶不費居諸部曹最喜能知
專貽我雲間福壽書

河口

細雨斜風四月天披裘不已更加綿家居猶說征人
樂句就誰從萬里傳

馬龍畱示旋里諸君子

數日馳驅到馬龍蕩然自覺豁心曾歸家傳語家人
道已復年前未病容

讀楊升庵集

南都公子腹便便辯走狐狸張茂先列鼎誰堪任大嚼剝吞且莫議前賢

田蒙齋先生曰公道

丁潛汝曰升庵先生博辯為明代之冠議以生吞活剝直是為儉腹者開方便法門此詩可息

議彈之喙

卽景

白酒紅糟薄暮天細探詩律品時賢偶然舉首樓前

望庭樹光生月影圓

讀黔書

名高十子領騷壇重闢我眉天外看絕塞文章今創

起百蠻雲物在毫端

丁澹汝曰綸霞中丞黔書博識閱議成一家言
堪垂不朽向曾受讀每於篇末各綴跋語擬暇

時錄正先生今讀百蠻雲物在毫端
一語足蔽全書始覺有待為煩

又

白頭兄弟比鄰居幸得分光萬里餘祇愧生平多碌

萬行所
九
碌漫從天末讀新書

看山

日日清晨起看山
陰晴日日變山顏
可憐紙上烟雲滿
一色青青到底頑

田蒙齋先生曰山之真面目不埋沒矣

輓郢雪

寒雨蕭蕭客斷魂
何來片札對黃昏
開封忽爾聞師信
不覺羣山泣斷猿

又

萬里遨遊同調少一時唱和有詩僧西來隻履今歸去從此華山不忍登

又

我病勞君頻問訊君今何處寄雲蹤雪峯皎皎懷明月疑是君家行樂容

又

談詩近日太紛紜羨爾虛懷迥不羣白雪文章今尚

在依稀散作五華雲

卽事

六月陰森氣似秋
闕齋無事日科頭
沾來市酒寒燈下
共檢詩題破旅愁

懷水壑

病起征車未敢休
吟風嘯雨過山頭
偶然作夢尋香海
坐臥禪床一小樓

又

河陽雨後寄詩來
髣髴曇花對面開
我亦懷人從雨後
臨風細細把詩裁

懷道南

小閣平臨半畝塘
三時不斷藕花香
爐烟靜對裁新句
幾個閒鷗趁晚涼

補詩

偶因錯簡補新詩
搜索難成絕妙辭
却喜簾前鷓鴣巧
幾聲婉轉動幽思

高行步



五



















